

## **Stori blanga San Hubin Kambek langa im Dedi**

**Storimen:** Wal Jisas bin dalim stori blanga San hubin Gowe.

**Jisas:** “Wantaim wan olmen bin abum dubala san, en det lilwan san bin dalim im dedi, ‘

**Lilwan san:** Dedi, Ai wandim det mani bifo yu dai.

**Jisas:** En det olmen bin kadimat detlot enijing blanga im san dubala.

“Bambai na det lilwan san bin go longwei langa najawan kantri, en deya na imbin weistimbat detlot mani blanga im.

“Afta na det kantri nomo bin abum rein, en bobala det lilwan san bin hangri na, en im nomo bin abum enijing du, <sup>15</sup>en imbin lafta go en lukabat blanga wek.

**Boswan Stakmen:** Yu gin wek langa main steishan blanga maindimbat ola bigibigi.

**Jisas:** Det lilwan san bin jinggabat blanga idim det bigibigi daga, dumaji nobodi bin gibit im daga blanga idimbat.

**Lilwan san:** Mi brabli hangriwan. Ai lafta gobek langa main dedi en dalim im aibin dum nogudbala ting langa God en langa im.

**Jisas:** “Brom deya det lilwan san bin gidap, en imbin gobek langa im dedi kemp, en wen imbin lilbit longwei yet,

**Dedi:** Main san.

**Jisas:** en det olmen bin abum kainbala filing blanga im san, (Ekshin: en imbin ran, en imbin grebum im san, en imbin kis langa im).

**Lilwan san:** Yu kaan gulum mi san na. Yu lafata meigim mi wekinmen bla yu.

**Jisas:** ”Bat det olmen bin jingat langa ola wekinmen blanga im,

**Dedi:** Yumob bringimap gudbala klos blanga main san. (Action include ring and but). Wi garra abum bigbala padi. Imbin gitbush. Bat wibin faindim im.’

**Jisas:** “Wal olabat bin abum bigwan padi na, en deibin abum detmatj daga, dumaji deibin brabli gudbinji blanga det lilwan san.

<sup>5</sup>“Bambai na det bigwan san blanga det olmen bin kambek brom wek, en wen imbin lisin olabat jinginat en densdens. <sup>26</sup>“Wal det bigwan san bin jingat langa wanbala wekinmen, en imbin askim im,

**Bigwan san:** Wanim det nois?

**Wekinmen:** Dei abumbat padi dumaji yu lilwan braja bin kambek.

**Jisas:** Wal det bigwan braja bin gitwail, en im nomo bin gowin insaid langa det haus. Im dedi bin lafta Kamat atsaid blanga tok langa im.

**Dedi:** Main san yu kaan gitwail en nogudbinji blanga yu lilwan braja.

**Jisas:** “Bat det bigwan san bin dalim im dedi wailwei,

**Bigwan san:** Aibin oldei wek bla yu gudwei. Bat yu nomo gibit mi enijing o bla abum padi garram main fren mob.

Main lilwan braja bin weistimbat ola enijing rongwei.

**Dedi:** Main san, yu oldei jidan garram mi. Ebrijing ai garram, im blanga yu. <sup>32</sup>Bat wi garra abum padi dumaji yu lil braja bin gitbush en wibin faindim im.””

**Storimen:** Lagijat na Jisas bin dalimbat stori langa detlot pipul.

Binij na